

# VAN LEDDEROM

Op 25, 26 en 27 september wordt veur de tiende maal de Grunneger kulturele manifestoatsie 'Van Ledderom' holden.

De eerste twij doagen in cultureel centrum De Klinker in Winschoten. Op 27 september is de Liudgerdag in Stadsparkkerk in Stad.

Vrijdag 25 september • 20.00 uur • f 7,50

Literaire Oavend

Op dizze oavend, dij presenteerd wordt deur Wia Buze, wordt de verhoalenbundel 'Ofzain en ienle-vern' van Bé Kuipers presenteerd.

Bert Huizenga ondervragt Grunneger schrievers: Haarm Diek, Jan Iden, Roely Meijer, Henri Wierth.

Rika Dijkstra zingt Grunneger laidjes, mit Wouter de Koning op de piano (baaiden bekend van Radio Noord).

Wieder de jonge Winschoter zanger/gitarist Jan Klönne. Hai won in 1993 t Noord Nederlands Liedjes Festival en zel in t noajoar zien eerste Grunneger spaigelploatje oetbrenge.

Juryveurzitter Greetje Marquering moakt oetslag bekend van de wedstried kinderverhoalen schrieven. Wieder kin der in De Boukenkist snuusterd en kocht worden. t Ommelander Antiquariaat en oetgeverij Tellerlikker binnen ook present.

Zaterdag 26 september • 20.00 uur • f 15,-/f 7,50

Grunneger Oavend

t Grunneger Volkstoneel speult de ainakter 'Verzide'; n Grunneger bewaarken deur Aaldrik Hovius van t stuk 'Visite' van Hugo Claus.

Wia Buze zingt drij nije laidjes op t thema 'Dörp en Stad'. t Publiek mag kaizen welk laidje t mooiste is. Op t zulfde thema zel Kees Visscher op de van hom bekende menaaier n verhoal veurlezen.

De K. ter Laan-Pries 1997 wordt oetlangd aan Cees Reinders. Hai krigt pries veur zien joarenlange, veulziedege inzet veur de Grunneger cultuur.

De meziek is van t Van Ledderom Combo en de Knoalster zanger/tekstschriever Eltje Doddema.

Annet Westerdijk zel oavend aan mekoar proaten. Wieder: kroamen van De Boukenkist, oetgeverij Tellerlikker en t Ommelander Antiquariaat.

Zundag 27 september • 15.00 uur • Stadsparkkerk Groningen • tougang vergees • Liudgerdag Wigbold Wierenga, o.a mitwaarker van de Stichting Het Groninger Landschap, holdt n inlaaiden over 'Kerken in t Grunneger landschop'.

Noa de theepauze is der om 17.00 uur n Grunneger dainst mit J.H. Koerts oet Drachten as veurganger.

Inlichtens en koarten: Grunneger Cultuurcentrum, Stationsstraat 11/b, Scheemda, tel. 0597-591135.